

Potpisivanje Sporazuma o Specijalnim Odnosima

Glavni zamjenik Visokog Predstavnika, Jacques Paul Klein izrazio je danas u ime međunarodne zajednice svoje razočarenje zbog odgađanja potpisivanja Sporazuma o specijalnim odnosima između Federacije Bosne i Hercegovine i Republike Hrvatske, koje je bilo zakazano za danas.

OHR je u subotu bio informisan o pristanku uključenih strana na odgodu iz proceduralnih razloga. Sve nejasnoće će biti razjašnjene ove sedmice, a ceremonija potpisivanja će se održati 16. novembra 1998.

Finalni i odobreni nacrt Sporazuma o specijalnim odnosima je inicijaliziran 27. oktobra 1998 od strane predsjednika Federacije, Ejuba Ganića, podpredsjednika, Vladimira Šoljića i predsjedavajućeg pregovaračkog tima, Kasima Trnke u ime Federacije, te u ime Republike Hrvatske od strane ministra vanjskih poslova, Mate Granića i savjetnika predsjednika, Ivića Pašalića. Ambasador Klein je svjedočio u ime OHR-a a Ambasador Richard Sklar u ime vlade Sjedinjenih Američkih Država.